

leev tante Finchen,

wenn isch so durch ming Hassels jonn, fällt et mir schwer dat zu glöve, wat isch sinn. Wo vor drissig Johr noch Felder ung Jädens woren, stond hüt alles Hüser. Do is noch nit mol Platz dat de Kinger ne Windvogel stiege lasse künne.

Mit der Danzerei beim »Hahnenberg's Lang« is och nix mie. Do hand se en Freizeithem hinjebaut wat de halve Ziet leer herümsteht und grad de Schütze vermisste dä schöne Saal, in demm se so vill gefiert hand. In demm angere Saal beim »Teuwens Muff« wor enes Tags et Kino Luna. Dick und Doof, Fuzzy ung angere Konsorten rejierten in demm Gebäude, in demm de hütt et Futter für de Katz ung de Hung kofe kanns.

Dann han isch dä Hoxbach jesögt. Du glöfst ja nit wie isch dä jesögt han. Dä han isch ähsch gefunge, als isch en paar junge Lück jefrogt han. Aver wat denkste wo dä Bach jetzt is? Janz usse herüm um Hassels hät dä sich verkroche. Do wo fröher dä alde Sportplatz wor, hät dä sich ne neue Wäg durch dä Busch jesögt. Dä ehemalige Bach hand se eenfach zujekippt ohne an die knorrige Weiden zu denken. Et hät och nit lang jeduert und do woren die schöne Böhm kapott weil se kinn Wasser mehr jekritt hand. Isch künnt mir vorstellte, dat die prima Jrünanlag mit dem alde Bach und den Böhm noch besser ussgesinn hät.

Als isch dä Jrünjödel widder robjeunge bin, do sinn isch die »Alde Brück« planlos in dä Jejend stonn. Die schöne »Alde Brück« wees überhaupt nit wat se da noch soll. Du wees, dat die janze Jejend nach dem schöne Stück benannt is und isch han bloß Angst, dat denne do im Rathaus noch die Idee kütt, en wiederes Wahrzeichen von uns Hassels wegzurühme. Aver man soll die Hoffnung nie offjeve, dat dat schöne Stück noch vernünftig mit injeplant weed.

So leev Tante Finchen, nun muß isch Schluß make, denn de Schütze kumme schon zur Parad und dat will isch doch sinn. Wenn isch dat nächste Johr widder nach Hassels zum Schützenfest kumm, dann schreev isch Dir wat mir sonst noch alles objefalle is.

Et größt Disch Ding

Hänschen

P.S. Tant Finchen, Du muß ming schlecht Plattdütsch entschuldige, aver isch han so jeschreeve wie misch de Schnabel jewachse is. Schüss.